



濂溪志卷二

雜著

愛蓮說

水陸草木之花可愛者甚蕃晉陶淵明獨愛菊自李唐來世人盛愛牡丹予獨愛蓮之出淤泥而不染濯清漣而不妖中通外直不蔓不枝香遠益清亭亭靜植可遠觀而不可褻玩焉予謂菊花之隱逸者也牡丹花之富貴者也蓮花之君子者也噫菊之愛陶後鮮有聞蓮之愛同予者何人牡丹之愛宜乎眾矣

濂溪志

卷二 雜著

一

春陵周惇實撰四明沈希顏書太原王搏篆額嘉祐八年五月十五日江東錢拓上石

朱子云右愛蓮說一篇濂溪先生之所作也先生嘗以愛蓮名其居之堂而為是說以刻焉熹得竊聞而伏讀之有年矣屬來守南康郡實先生故治然寇亂之餘訪其遺迹雖壁記文書一無在者熹竊懼焉既與博士弟子立祠於學又刻先生像太極圖於石通書遺文於版會先生曾孫直卿來自九江以此說之墨本為贈乃復寓其名於後圃臨池之館而刻其說置壁間庶幾先生



之心之德來者有以考焉淳熙己亥秋八月甲午謹書

養心亭說

孟子曰養心莫善於寡欲其爲人也寡欲雖有不存焉者寡矣其爲人也多欲雖有存焉者寡矣予謂養心不止於寡而存耳蓋寡焉以至於無無則誠立明通誠立賢也明通聖也是聖賢非性生必養心而至之養心之善有大焉如此存乎其人而已張子宗範有行有文其居背山而面水山之麓構亭甚清淨予偶至而愛之因題曰養心既謝求說故書以勉

濂溪志

卷二 雜著

二

度性善記按吾鄉前輩何平仲詩集有贈周茂叔詩又聞周茂叔中年有子以詩賀之又有題茂叔拙賦及題張氏養心亭詩畱題養心亭詩和劉職方張氏園亭詩首句云此地吾鄉境界此言然後知張子宗範者乃吾鄉士也今觀濂溪養心亭說自言偶至其亭愛之遂爲題此名且稱其人有行有文又語以聖學之要其爲濂溪與進如此張子之賢不問而可知也嘉定十六年十一月十一日記

拙賦

或謂予曰人謂子拙予曰巧竊所恥也且患世多巧也喜而賦之國俗不又取愚敏立賦餘賦若總合春秋釋奠觀巧者言拙者默巧者勞拙者逸巧者賊拙者德巧者凶拙者吉嗚呼天下拙刑政徹上安下順風清弊絕

書碧落石汝礪書篆

朱子云右濂溪先生所爲賦一篇聞之於其曾孫直卿云近歲耕者得之溪上之田間已斷裂然尙可讀也熹惟此邦雖陋然往歲先生嘗辱臨之乃闢江東道院之西室榜以拙齋而刻置焉旣以自警且以告後之君子

濂溪志

卷二

雜著

三

俾無蹈先生之所恥者以病其民云淳熙己亥秋八月辛丑謹記

邵州新遷學釋菜祝文

是年爲神宗熙寧元年時改元詔未到故仍稱治平

維治平五年歲次戊申正月甲戌朔三日丙子朝奉郎尙書駕部員外郎通判永州軍州兼管內勸農事權發遣邵州軍州事上騎尉賜緋魚袋周惇頤敢昭告於先聖至聖文宣王惟夫子道德高厚教化無窮實與天地參而四時同上自國都下及州縣通立廟貌州守縣令春秋釋奠雖天子之尊入廟肅躬行禮其重誠與天地參焉儒衣冠學

道業者列室於廟中朝夕日瞻眸容心慕至德日蘊月積
幾於顏氏之子者有之得其位施其道澤及生民者代有
之然則夫子之宮可忽歟而邵置於惡地掩於牙門左獄
右庾穢喧歷年惇頤攝守州符嘗拜堂下惕汗流背起而
議遷得地東南高明協卜用舊增新不日成就彩章冕服
儼坐有序諸生旣集率僚告成謹以禮幣藻齊式陳明薦
以充國公顏子配

又告先師文

敢昭告於先師充國公顏子爰以遷修廟學成恭修釋菜

濂溪志

卷二

雜著

四

於先聖至聖文宣王惟子睿性通微實幾於聖明誠道確
夫子稱賢謹以禮幣藻齊式陳明獻從祀配神尙饗

附邵州新遷州學記

孔延之

朝奉郎

先王知天下之士不可不養常欲濬其淵源培其根本
故不憚爲之高堂大室以便其講習俎豆詩書以實其
內清池修梁以環其外大抵欲後進之士得以優游燕
息專其思慮成文武之才就道德之實故曰處士就閒
燕此之謂也三代之時學校最盛故其政理風化後世
莫及兩漢以來雖亂多治少然歷千餘載而理義綱紀

未至息滅者以夫學校猶有存焉宋承五代兵火之後
補苴漏缺翦鋤荒穢至於百年民大休息慶曆中詔天
下郡縣皆得立學而守令不能揚德音廣上意因循故
習以至於復壞其後有能奮然興之者鮮矣何先王之
所重而時人輕之甚也其弊在不知道德之所由出風
化之所由成故爾非好古不倦者安能汲汲於此吾友
周君惇頤茂叔以駕部員外郎通判永州來攝邵事患
其學舍弊隘乃擇地於東門之東南因故學之材徙而
新之郡民悅喜荷鍤簞食來助其役逾月而成有殿以

源溪志

卷二

雜著

五

事先聖有堂以集諸生棲士有齋藏書有閣遠而望之
儼乎其可觀而法也卽而趨之覩乎其可居而樂也於
是邵之士交相告語其各奮勵修飭以無負吾周侯教
育之意而爲鄉閭之羞嗚乎邵雖小邦然亦古荆楚之
地左氏所謂梗楠杞梓名卿之材多由楚出夫豈無豪
傑之士可束帶而立於朝廷者耶然而近歲未有顯者
非士之罪乃教化之不素也今周君能知先王之本務
而勇於敢爲邵之士能知周君之用心而銳於進學吾
將見才冠天下名聞京師者多邵人也惟在勉之而已

周君好學博通言行政事皆本之六經考之孟子故其所施設卓卓如此異時宋史書周君之善以爲後世法未必不以邵學爲先延之旣聞命遂爲之記治平五年正月三日也

彭推官詩序

惇實慶厯初爲洪州分寧縣主簿被外臺檄承乏袁州盧溪鎮市征之局局鮮事袁之進士多來講學於公齋因談及今朝江左律詩之工坐間誦吉州彭推官篇者六七人其句字信乎能觀天巧而膾炙人口矣俄聞分寧新邑宰

濂溪志

卷二

雜著

六

上未踰月而才明之譽已飛數百里有謂惇實曰邑宰太博思永卽嚮所誦推官之子也吉與袁鄰郡父兄輩皆識推官第爲善內樂殊忘官之高卑齒之壯老以至於沒其慶將發於是乎惇實故又知推官之德暨還邑局聞推官之詩益多亦能誦記不忘十五年而太博由刑部郎中直史館益州路轉運使惇實自南昌知縣就移僉署巴川郡判官廳公事益梓鄰路也沂流赴局過渝州越三舍接巴川境間有溫泉寺巖舟遊覽忽覩榜詩乃推官之作喜驚讀訖錄本納於轉運公公復書重謝且曰願刻一石若蒙

繼以短序尤荷厚意故序於詩後而命工刻石置寺之堂
焉寶嘉祐二年正月十五日云承奉郎守太子中舍簽署
合州軍事判官廳公事周惇實撰

將仕郎守合州石照縣令王夢易題額

附彭推官宿崇聖院詩

渠陽幕史彭應求

公程無暇日暫得宿清幽始覺空門客不生浮世愁溫

泉喧古洞寒磬度危樓徹曉都忘寢心疑在沃洲

與傅者伯成書

惇實頓首傅君茂才足下昨日飯會上草草致書不識已

濂溪志

卷二

雜著

七

達否日惟履用休適惇實自春來郡事併多又新守將至
諸要備辦稍有一日空暇則或過客或節辰或不時聚會
每會必作詩雅則雅矣形勞神瘁故尙未有意思爲足下
作策問勿訝勿訝遂州平紋紗輕細者此中人喚作漫紗
染得好皂者告買一疋自要作夏衫并買樗蒲綾袴段二
箇碎事煩聒愧悚愧悚急遣人探新守次走筆不謹喧燠
加愛加愛不宣惇實頓首傅君茂才足下三月四日

慰李大臨才元疏

治平二年

惇頤頓首變故不常竊審尊夫人太君奄棄榮養伏惟號

天永慕難以勝處罔極奈何孝思奈何敢冀節哀以從中制卑情不任苦痛之至謹奉疏以慰不宣謹疏四月日

與二十六叔等手帖

惇實啟孟秋猶熱伏惟二十六叔三十一叔諸叔母諸兄長尊體起居萬福周興來知安樂喜無盡惇實守官於外與新婦幸如常不勞憂念來春歸鄉卽遂拜侍未閒伏望順時倍加保愛不備姪男惇實狀拜上二十六叔三十一叔諸母諸兄長座前七月六日夜諸弟諸姪安樂好將息好將息

濂溪志

卷二

雜著

八

與仲章姪手帖

仲章夏熱計新婦男女安健我此中與叔母季老通老韓姐善善以下並安近遞中得先公加贈官誥贈諫議大夫家門幸事汝備酒果香茶詣墳前先告聞先公諫議也未相見千萬好將息不具叔付仲章六月十四日

諸處書立便使周一父子送去叔母韓姐傳語汝與新婦姪女姪兒各計安好將息好將息百一百二附兄嫂起居之問善善與新婦安安汝切不得來不得來周三翁夫妻安否周三父子安否周一父子看守墳塋小心否周幼二

安否何如也

回謁鄉官昌州司錄黃君慶牒

承奉郎守太子中允簽書合州判官廳公事周惇實右某
謹祇候謝 都曹員外伏聽處分件狀如前謹牒

嘉祐元年十一月 日具位某牒

賀傅伯成手謁 嘉祐六年

從表殿中丞前合州從事周惇實專謁賀

新恩先輩傳弟 三月十二日手謁

度性善跋云濂溪以嘉祐元年爲吾州簽判至五年六

濂溪志

卷二 雜著

九

月九日解去越明年從遊之士遂寧傅耆登進士第相
遇京師是歲唱名在三月癸丑十三日濂溪往賀之蓋
釋褐之三日耳

東林寺留題

周惇實茂叔余從周元禮孫儼安禮王深之長源沈遜睿
達樂岳惟嶽嘉祐庚子十月二十一日相會東林寺

含暉洞留題

周惇頤攜二子壽燾歸春陵展墓三月六日與鄰人蔣璠
區有鄰歐陽麗理掾陳賡同遊含暉洞 治平四年

後蔣瓘仕至朝議大夫區有鄰仕至大理寺丞

澹山巖扃畱題

周惇頤過澹山巖將家人輩偕遊姪立男壽燾姪孫蕃侍

三月十三日 治平四年

連州城西大雲巖畱題

轉運判官尙書駕部員外郎周惇頤茂叔尙書屯田郎中

知軍州事何延世懋之熙寧元年十二月十六日同題

德慶府三洲巖畱題

濂溪周惇頤茂叔熙寧元年季冬二十六日遊

濂溪志

卷二 雜著

十

肇慶府星巖畱題

轉運判官周惇頤茂叔熙寧二年正月七日遊

書仙臺觀壁

先生與赤水令費琦游龍多山唱和八首

到官處處須尋勝惟此合陽無勝尋赤水有山仙甚古晉馮

蓋羅上昇處

躋攀聊足到官心

附費令琦詩云先生舊隱寄烟岑丹竈仙臺暫訪尋觀有

馮蓋羅爐竈在

自歎不如雞犬幸偶霑靈藥換凡心

游山上一道觀三佛寺

琳宮金刹接峯巒一徑潛通竹樹寒是處塵勞皆可息時

清終未忍辭官

費令詩巖屏相望路紆盤杉檜風高夏亦寒游遍陟忘
名宦意恨無生計可休官

喜同費君長官遊

尋山尋水侶尤難愛利愛名心少閒此亦有君吾其樂不
辭高遠共躋攀

費令詩平生癖愛林泉趣名利縈人未許閒不是儒流

霽風采登山遊騎恐難攀

君沿外臺牒請臨按本邑簿

呈謝簽判殿丞寵示游山之什

琦

濂溪志

卷二

雜著

二

夫君落筆盡珠璣不比相如意思遲

君只於肩輿往還遂成三章其俊敏

如此從此合陽須紙貴夜來新有愛山詩

和前韻

雲樹巖泉景盡奇登臨深恨訪尋遲長棲未得於何記猶
有君能雅和詩

眉山李悅齋跋云濂溪周元公與令君費琦唱酬詩八

首實嘉祐五年正月所刻今伐石刻之鷺臺寺俾來遊
者皆得縱觀紹定庚寅春分日

劍門

劍立溪峯信險深吾皇大道正天心百年外戶都無閉空
有闕名黠貢琛

萬安香城寺別虔守趙公

公暇頻陪塵外遊朝天仍得送行舟軒車更共入山脚旌
施且從畱渡頭精舍泉聲清灑灑高林雲色淡悠悠談終
道奧愁言去明日瞻思上郡樓

附清獻和詩顧我入趨巖闕去煩君出餞贛江頭更逢
蕭寺千山好不惜蘭船一日畱清極到來無俗語道通
何處有離憂分攜豈用驚南北水濶風高萬木秋

濂溪志

卷二 雜著

七

別本云清獻自虔州赴名舟至造口同遊香林寺石刻
可考大成集以爲萬安香城非也

行縣至雩都邀餘杭錢建侯拓四明沈幾聖希顏同

遊羅巖

嘉祐八年正月初七日刻石

聞有山巖卽去尋亦躋雲外入松陰雖然未是洞中境且
異人間名利心

同石守遊

朝市誰知世外遊杉松影裏入吟幽爭名逐利千繩縛度
水登山萬事休野鳥不驚如得伴白雲無語似相畱傷人

莫笑凭闌久爲戀林居作退謀

落葉蟬聲古渡頭渡頭人擁欲行舟別離情似長江水遠

人隨公日夜流

憶江西提刑仲容

蘭自香爲友松何枯尙春榮來天澤重沒去繡衣新畫作

百年夢終歸一窖塵痛心雙淚下無復見賢人

治平乙巳暮春十四日同宋叔遊山巔至大林寺書

三山四十字

濂溪志

卷一

雜著

三

三月山方暖林花互照明路盤層頂上人在半空行水色

雲含白禽聲谷應清天風拂巾袂縹緲覺身輕

題寇順之道院壁

一日復一日一杯復一杯青山無限好俗客不曾來往事

已如此朱顏安在哉寄語地上客歷亂竟誰催

贈譚虞部致仕

譚公各助虞部員外郎

清時望郎貴白首故鄉歸有子紆藍綬將孫著綵衣松喬

新道院鶴老舊魚磯知止自高德寧爲遜者肥

天池

斯須暮雲合白日無餘暉金波從地湧寶燄穿林飛僧言
自雄誇俗駭無因依安知本地靈發見隨天機

題浩然閣

劉侯戴武弁政則心吾儒士茂先興學子賢勤讀書猷爲
莫不善才力蓋有餘西北方求帥浩然寧久居

題鄴都觀三首刻石觀中

山盤江上虬龍活殿倚雲中洞府深欽想真風杳何在偃
松喬柏共蕭森

右仙都觀

濂溪志

卷二

雜著

古

始觀丹訣信希夷蓋得陰陽造化幾子自母生能致主精
神合處更知微

右讀英真君丹訣

久厭塵空樂靜元俸微猶乏買山錢徘徊真境不能去且
寄雲房一榻眠

右宿山房

按部至潮州題大顛堂壁

退之自謂如夫子原道深排釋老非不識大顛何似者數
書珍重更畱衣

按部至春州

按部廣東經數郡若言嵐瘴更無春度山烟鎖埋清晝爲
國天終襲吉人萬里詔音頒降下一方恩惠盡均勻丈夫
才畧逢時展倉廩皆無亟富民

題惠州羅浮山

紅塵白日無閑人況有魚緋繫此身一上羅浮閒送目浩
然心意復吾真

濂溪書堂

元子溪曰灑詩傳到於今此俗良易化不欺顧相欽廬山

濂溪志

卷二 雜著

五

我久愛買田山之陰田間有流水清泚出山心山心無塵
土白石磷磷沉滄浚來數里到此澄澄深有龍不可測岸
竹寒森森書堂構其上隱几看雲岑倚梧或欹枕風月盈
中襟或吟或冥默或酒或鳴琴數十黃卷軸賢聖談無音
窗前卽疇囿外桑麻林干蔬可卒歲絹布足衣衾飽暖
大寔貴康寧無價金吾樂蓋易足名溪朝暮侵元子與周
子相邀風月尋

思歸舊隱

靜思歸舊隱日出半山明醉榻雲籠潤吟窗瀑瀉清閒方

爲達士忙只是勞生朝市誰頭白車輪未曉鳴

夜雨書窗

秋風掃盡熱半夜雨淋漓遠屋是芭蕉一枕萬響圍恰似
釣魚船蓬底睡覺時

石塘橋晚釣

舊隱濂溪上思歸復思歸釣魚船好睡寵辱不相隨肯爲
爵祿重白髮猶羈縻

任所寄鄉關故舊

先生遷尚書虞部員外郎復任永州通判仲章姪

濂溪志

卷二

雜著

六

子至任歸有詩與之云

老子生來骨性寒宦情不改舊儒酸停杯厭飲香醪味舉
箸常餐淡菜盤事冗不知筋力倦官清贏得夢魂安故人
欲問吾何況爲道春陵只一般

書春陵門扉

有風還自掩無事晝常關開闔從方便乾坤在此間

春晚

花落柴門掩夕暉昏鴉數點傷林飛吟餘小立闌干外遙

見樵漁一路歸

牧童

東風放牧出長坡誰識阿童樂趣多
歸路轉鞭牛背上笛聲吹老太平歌

暮春卽事

雙雙瓦雀行書案點點楊花入硯池
閒坐小窗讀周易不知春去幾多時

觀易象

書房元坐萬機休日暖風和草色幽
誰道二千年遠事而今只在眼睛頭

濂溪志

卷二 雜著

七

贈答

送周茂叔赴合州簽判

任大中

一帆風雪別南昌路出涪陵莫恨長
綠水泛蓮天與秀蜀中何處不聞香

江上懷永倅周茂叔虞部

任大中

監州永陵去遠目立江干烟浪三湘闊
風颿八月寒不聞求進路只見說休官
種竹濂溪上歸應作釣竿

寄廣東運判周茂叔

任大中

凍雲愁滿目黯黯塞遙空久客江湖外
殘年雨雪中醉鄉

無伴入吟社與誰同莫訝音塵澗天南絕去鴻

送永倅周茂叔還居濂溪

任大中

君去何人最淚流老翁身獨寄南州隨君不及秋來雁直
到瀟湘水盡頭

濂溪隱齋

任大中

溪遶門流出翠岑主人廉不讓溪深若教變作崇朝雨天
下貧夫洗却心

再題虞部周茂叔濂溪

任大中

公廉如古人祿利千鍾疎照髮一簪墨樂歸溪上居羣峯
濂溪志

卷二

贈答

六

插雲秀滿眼如畫圖一甕酒自足數畝稻有餘夜月搖吟
筆朝厨摘野蔬渴飲溪中水飢不食溪魚大溪深一丈松
筠自不枯公心保如此真爲廉丈夫廉名似溪流萬古流
不休我重夷齊隱日月光山邱夷齊魂若在暢然隨公遊
和周茂叔席上酬孟翱太博

傅者

古人務樂善見士卽推轂今也多忌才對面遠吳蜀顧予
嘗喜學幽室未偶燭幸會才翹翹深慚識碌碌升堂聽高
論惟愁日景促經義許叩擊詩章容往復荷公引重語珠
珉變良玉一違几席來義娥變昏旭遠聞落帽節賓朋相

追逐剩摘籬下黃痛飲杯中醪清談已忘倦佳篇又相屬
畢力爲徒弟強勉攀高躅異時公行道其勢不可獨首顛
策疲蹇助公施蘊蓄舒張太平策散作蒼生福此志答此
惠庶幾不忝辱

和周茂叔暨閻裴三公招隱詩

傅者

三賢趨向一家同不欲塵埃作苟容明逸招歸豹林谷樂
天邀入香鑪峯

賀周茂叔弄璋

呂陶成都

仁厚陰功素所施熊羆佳夢此何遲藍田寶璞眞希世丹

濂溪志

卷二 贈答

尤

穴仙雛亦爲時善慶源流歸顯報崇高堂構襲初基他年
若許林泉老却看兒孫振羽儀

送周茂叔殿丞序

並詩

呂陶

君子能信道不能必信於人能自知不能必知於人得乎
中不奪於外環視天下而輕重在己死生貴賤否泰休戚
未嘗少遷其思索以戾其趣向故能也人之分睽於義利
取舍好惡交攻競鶩而莫知合於至當故不能也予嘗持
是說以觀世俗情僞而憤君子之所不能反而求諸傳記
至仲尼稱伯夷柳下惠荀卿氏推尊子弓楊子雲珍君平

畏仲元而乃知君子之道雖晦必明雖屈必伸蓋聖人之待天下必推之以至公而教存焉然則道人之善而有警於世非妄也公天下而爲言也春陵周茂叔志清而材醇行敏而學博讀易春秋探其原其文簡潔有制其政撫而不柔與人交平居若泛愛及其判忠諛拯憂患雖賁育之力莫亢其勇滴之深流必長趨之端適必遠廣而充之斯民有望焉然而常自誦曰俯仰不忤用舍惟道行將逝去山林以全吾志其信道篤而自知明歟或知之或不知之其子之所不能歟以子之所不能於子何損益焉惟知者濂溪志

卷二

贈答

三

可與言其然惟不知者亦可與辯其不然亦庶乎道人之善而不爲佞歟今年夏六月官滿南歸士大夫皆文以送陶旣序又繼以詩

高帆颺漢水六月南風溫下流乘漲怒一日千里奔湍威雷霆擊石勢龍虎蹲漂搖波濤際渺漫天地昏君心浩浪渤坐笑衆水煩外任安濟德中養澄靜源青雲路三峽寄傲開琴樽白日滿平楚放懷清夢魂夷險旣一致卷舒惟義存未易泛滄浪時平斯道尊

心似水輪浸玉淵
節如金井冽寒泉
每懷顏子能希聖
猶笑梅貞祗隱仙
仕儻遇時寧枉道
貧而能樂豈非賢
區區世路求難得
試往滄浪問釣船

題濂溪

潘輿嗣

鱗鱗負郭田漸次
郊原口其中得清曠
貴結林泉友一溪
東南來激灩翠波
走清響動靈粹
寒光生戶牖
峩峩雙劍峯
隱隱插牛斗
疎雲互明晦
嵐翠相妍醜
恍疑坐中客
卽是關門叟
爲歌紫芝曲
更擊秦人缶
宥然忘得喪
形骸與天偶
君懷康濟術
休光動林藪
得非仁智樂
夙分已天有

濂溪志

卷二

贈答

三

斲鼻固未免
安能混真守
歸來治三徑
浩歌同五柳
皎皎谷中土
願言與君壽
殷勤復懇惻
雜佩貽瓊玖
日暮車馬徒
橋橫莫回首

和茂叔憶濂溪

潘輿嗣

憶濂溪高鴻冥冥
逝者肥玉流來遠
不知源源重巘翠
深遮圍試將一酌
當美酒似有冷然
仙馭飛素琴
攜來漫橫膝
無絃之樂音
至微胡爲劍
佩光陸離低
心俯首隨轉機
伊尹不忘畝
畝樂寧非斯人之與歸

同周敦頤國博遊馬祖山

趙抃

曉出東江向近郊，舍車乘棹復登高。虎頭城裏人烟澗，馬祖巖前氣象豪。下指正聲調玉軫，放懷雄辯起雲濤。聯鑣歸去尤清樂，數里松風聳骨毛。

次韻周茂叔國博見贈

趙抃

蜀川一見無多日，瀨水重來復後時。古柏根深寒不變，老桐音淡世難知。觀游邂逅須同樂，離合參差益再思。籬有黃花樽有酒，大家尋賞莫遲疑。

次韻周茂叔重陽近見菊

趙抃

爲僚初自喜，邀客亦逢嘉。把酒須同樂，分襟莫預嗟。未成

濂溪志

卷二

贈答

三

登畫舸好共戴，黃花試向東籬看。秋叢映曉霞

次韻周國博不赴重九飲會見寄

趙抃

嫩菊浮香酒，潑醅命儔歡。飲鬱孤臺如何此，會翻爲恨爲欠公車一到來。

九日年豐獄訟稀，望君同醉樂無涯。尊前慰我區區意，只得登高一首詩。

題周茂叔濂溪書堂

趙抃

吾聞山下泉，終與江海會。高哉廬阜間，出處濂溪派。清深遠城市，潔淨去塵壒。毫髮難遁形，鬼神縮妖怪。對臨開軒

體勝絕甚圖繪固無風波虞但覺耳目快琴尊日左右一
堂不爲泰經史日枕籍一室不爲隘有尊足以羹有魚足
以膾飲啜其樂真靜正於俗邁主人心淵然澄徹一內外
本源孕清德遊泳吐嘉話何當結良朋講習取說兌

寄永州通判周茂叔虞部

趙

抃

時知成都

君去濂溪湖外行倅旂仍喜便鄉程九疑南向參空碧二
水秋臨徹底清詩筆不閒真吏隱訟庭無事洽民情霜鴻
只到衡陽轉遠緒憑誰數寄聲

同程公闢和益帥趙閱道寄周茂叔詩

潘興嗣

濂溪志

卷二

贈答

三

道交衷契少人行况是雲霄自有程目極一涯天共遠心
期千里月同明春歸錦里豪華地秋入浯溪冷淡情山水
高深無限量爲公分付玉徽聲

送周茂叔通判虞部赴零陵

程思孟

時知洪州

移官遠過耒陽西好景重重合盡題永水自然勝蘓水浯
溪應不讓濂溪沙頭候吏瞻旗脚境上鄉人待馬蹄曾是
忠賢流落處至今蘭芷尙萋萋

乙巳歲除日收周茂叔虞曹武昌惠知已赴官零陵

丙午正月內成十詩奉寄

蒲宗孟

蜀中

歲除三十日收得武昌書一紙方寄遠

十二月廿中嘗附書入永州數篇

來起予

武昌遞中得新詩一軸

瀟湘流水澗巫峽暮雲疎不得從君

去春風正月初

想到零陵日高歌足解顏鄉閭接營道風物近廬山萬石

今興廢三亭誰往還不知虔與永二郡孰安閒

三月春才過君當始到官朱袍爛紅日白髮未盈冠喜靜

心長在耽詩性最懽應從下車始便起作題端

始被南康責誰知睿澤寬還爲半刺史不失古虞官別乘

今誰厚朱幡舊最懽遙憐春色好並蓋縱游鞍

茂叔書言與永守陳

濂溪志

卷二

贈答

五

郎中有舊

地與江淮近鄉人慰久睽重看斑竹淚還聽鷓鴣啼湘水

晴波遠蒼梧霽色低不知春日靜何似在濂溪

二子君家寶知渠神骨清初生俱嶷嶷學語便鏗鏗鳳老

雛方秀珠圓蚌轉明吾甥真宅相可不翹英

山水平生好嘗來說退居無家歸絨冕有子侍藍輿溢浦

方營業濂溪旋結廬零陵官俸剩應得更添書

茂叔濂溪有書堂

八郡湖南使稜稜盡有各刑臺本鄉舊

提刑程公潛府忝鄉丈人也

門生

運使薛丈嘗出門下

吾戚饒風力伊人最直清預知相見日傾

蓋便投誠

宗邑祇災併無如舊歲多乙巳凶霖浸宮闕漏水注江河

雨秋大鬼盛天為疫夏大陰強雪薦瘧冬大知君憂國甚搔

首只吟哦茂叔寄示詩中有對雪寄吳廷之之作

詩社久零落所傳毛鄭餘先生守章句後輩老蟲魚大義

誰窺覷微言尙濶疎煩君來就索但恨未成書

贈周茂叔

何平仲

及物仁心稱物情更將和氣助春榮智深大易知幽蹟樂

本咸池得正聲竹箭生來元有節冰壺此外更無清幾年

濂溪志

卷二 贈答

三

天下聞名久今日逢君眼倍明

聞周茂叔中年有嗣以詩賀之

何平仲

慶門崇構已多時五百年方是此期樹長瓊枝生較晚珠

根驪頷得來遲桓溫貴骨天然別韋相傳經道不衰衡岳

惟高湘水濶共知長與福為基

題周茂叔拙賦

何平仲

偽者勞其心關機有時闕誠者任其真安知拙為拙捨偽

以存誠何須俟詞說

濂溪謁周虞部

李大臨 成都

簷前翠靄逼廬山門掩寒流盡日閒我亦忘機淡榮利喜
君高躅到松關

題濂溪書堂

孔平仲

廬阜秀千峯濂溪清一掬先生性簡淡住在溪之曲深穿
雲霧占幽境就翦茅茨結空屋堂中堆積古圖書門外回
環老松竹四時風物俱可愛嵐彩波光相映綠先生於此
已優游洗去機心滌塵目樵夫野叟日相侵皓鶴哀猿夜
同宿方今世路進者多百萬紛紛爭轉轂矯其言行鬻聲
名勞以機關希爵祿由來物役無窮已計較愈多彌不足
濂溪志

卷二

贈答

美

何如瀟灑靜中閒脫去簪紳臥林麓先生此趣殊高遠不
以尋常論榮辱奈何才大時所須猶曳緋衣佐方牧鸞章
鳳羽出爲瑞未得冥冥逐鴻鵠先生何時歸去來古人去
就尤宜速須憐溪上久寂寥蒼烟白露空喬木

紀述

茂叔先生濂溪詩呈次元仁弟

蘇軾

世俗賤名實至人疑有無怒移水中蟹愛及屋上烏坐令
此溪水名與先生俱先生本全德廉退乃一隅因拋彭澤
米偶似西山夫遂卽世所知以爲溪之呼先生豈我輩造

此乃其徒應同柳州柳叟使愚溪愚

濂溪詞並序

宋黃庭堅

春陵周茂叔人品甚高胸中灑落如光風霽月好讀書雅
意林壑初不爲人窘束世故權輿仕籍不卑小官職思其

變論法常欲與民決訟得情而不喜其爲小吏在江湖郡

縣十五年所至輒可傳任司理參軍轉運司以權利變

具獄茂叔爭之不能得投告身欲去使者斂手聽之趙公

闕道號稱好賢人有惡茂叔者趙公以使者臨之甚威茂

叔處之超然其後乃悟曰周茂叔天下士也薦之於朝論

濂溪志

卷二 紀述

毛

之於士大夫終其身其爲使者進退官吏得罪者自以爲

不冤中歲乞身於潞城有水發源於蓮華峯下潔青紺寒

下合於潞江茂叔濯纓而樂之築屋於其上用其平生所

安樂蠲水而成名曰濂溪與之遊者曰溪名未足以對茂

叔之美雖然茂叔短於取名而惠於求志薄於徼福而厚

於得民非於奉身而燕及煢癯於希世而尙友千古聞

茂叔之餘風猶足以律身則此溪之水配茂叔以永久所

得多矣茂叔諱惇實避厚陵奉朝請名改惇頤二子壽壽

皆好學承家求予作濂溪詩思咏潛德茂叔雖仕宦三十

年而平生之志終在邱壑故余詩詞不及世故猶髣髴其音塵

溪毛秀兮水清可飯羹兮濯纓不漁民利兮又何有於名
絃琴兮觴酒瀉溪聲兮延五老以爲壽蟬蛻塵埃兮玉雪
自清聽潺湲兮鑒澄明激貪兮敦薄非青蘋白鷗兮誰與
同樂津有舟兮池有蓮勝日兮與客就閒人聞挈音兮不
知何處散髮醉高荷爲蓋兮倚芙蓉以當妓霜清水寒兮
舟著平沙八方同宇兮雲月爲家懷連城兮佩明月魚鳥
親人兮野老同社而爭席白雲蒙頭兮與南山爲伍非夫
濂溪志

卷二 紀述

三

人攘臂兮誰余敢侮

濂溪詩

張舜民

向陽

洗耳褰裳本緒餘何須外物表廉隅碧梧修竹藏丹鳳空
谷生雛老白駒水爲不爭方作灑溪因我有始名浯北人
要識濂溪景請問江州借地圖

濂溪詩

王庶 樞副

先生帝王師韞匱求善價連城既不售抱恨歸長夜音容
忽已遠遺芳鄙蘭麝至今西洛賢猶識唐虞化俾之坐廟
堂小或齊諸霸奈何與世違抑揄困嘲罵嗟予晚聞道味

如倒食蔗逢時多艱難孰無休服歸來廬山邊弛擔
征駕尋幽經隱居修竹樊田舍傳家惟稚子感涕淚交下
濁醪再三傾薄用菁茅藉

營道齋詩并序

何棄仲

一作何弃

春陵郭縣曰營道三十里而近有村落曰濂溪周氏家焉
族衆而業儒有子曰惇頤字茂叔遠宦南歸弛肩廬阜力
不能返故居乃結屋臨流寓濂溪之名志鄉關在目中也
修水江夏公敬慕之每稱獎其子壽燾燾卽次元亦爲坡
公所知坡有故茂叔濂溪詩唯多其廉退修水亦止述其

濂溪志

卷一 紀述

无

廉平莫詳僑寓之意殆子弟不能達先志也夫修水相去
甫數舍坡其同時人皆失本意文字傳誤吁可歎已余與
先生同邑人也爰託宿於茲且有墳隴畱人比剗山房取
吾邑名吾齋因話前事賦詩曉兒曹

儒行篇中有至論書齋鄉縣兩存存南音楚國鍾儀操仁
術百人孟氏言近信每隨流水到舊廬凝望度雲屯里非
勝母泉君子循取佳名覩聖門

遊濂溪辭并序

鄒 專

道州城西十五里有村曰濂溪保蓋周茂叔先生之居也

先生宦遊過九江愛廬阜不能歸故以濂溪榜書堂示不忘本山谷一世洽聞者也而曰有水發源於廬阜蓮花峯下茂叔樂之用其平生所安樂媿水而成名曰濂而近世士大夫又謂本名廉溪先生子求詩於山谷避其叔父諱遂加以水且曰廉與濂義殊而音駘不應媿水以明其廉其說具載九江學宮先生祠堂記以專觀之俱失也再縻粟道州考濂溪頗詳因暇日遊焉訪先生之遺跡且道世人之惑也敢述以辭

度營川之修梁兮溯其瀨而走西路平原之瀾沓兮容飛濂溪志

卷二 紀述

三

蓋而並馳行將半於一舍兮折而涉於荒陂漸林開而阜斷兮隱約聞乎犬雞亟引鞭而前望兮萃或瓦而或茨逢翁問之奚所兮翁告余以濂溪閔民氏而皆周兮本其系而爲誰伊茂叔之故家兮自鼻祖而占茲後昆出於邱墟兮逢掖淪於布衣詠先生之所服兮已乎莫之知也從先生其已遠兮曷慰乎我之思也雲山矗而崇崇兮豈絕塵之姿乎泉石激而泠泠兮抑絃誦之遺乎百卉秀而不枯兮豈道德之輝乎少長羣而不羣兮抑媿俗之未衰乎彷徨乎奚忍徇而去之迨日暮兮旣去而猶遲遲幸頽垣與

敗級兮存故基而未夷環可耕者數畝兮昔帶經之所治
森一邱之梧櫟兮乃夙昔之所規蓋求其他而不得兮尙
矚此而庶幾悲先生之蚤歲兮逢彼百罹奉親學於渭陽
兮仕謀歸而願違故湓江之所築兮志此溪於門楣何山
谷之不審兮指蓮峯而實之病後之人迷益遠兮曰廉與
濂義殊而音睽妄取廉而增水兮由媚客而請詩噫其本
之不覲兮宜所言之皆非吾聞南公之語此兮云權輿於
唐之時元結之刺道兮事率愛奇以忠淳與洎洎兮賁七
泉而爲題道之人祖結之故智兮溪得名之是依曰義殊
濂溪志

卷二

紀述

三

而非類兮爾奚忠淳之不疑曰音睽而無取兮洎與直亦
參差而不齊故濂者以德而媿水兮遠矣昔人之所貽先
生之桑梓兮他寓而是思可以療世之惑兮寄鍼砭於此
辭

零陵通判廳事後作堂予以康功名之仍賦鄙句

知郡胡寅

政拙催科永陵守實賴賢僚相可否邦人復嗣海沂歌倉
廩雖空閭里有功成歸去朝日邊吏闕書堂得晝眠後園
好花初著土前簷新竹已參天龜貅未飽軍須急赤子如

魚釜中泣若知王業在農桑國勢何勞憂岌岌酒闌四壁
讀前碑吏隱猶有五馬隨千古濂溪周別駕一篇清獻錦
江詩

山北紀行二首

朱子

予以辛丑閏三月二十七日罷南康郡四月六日
拜濂溪先生書堂遺像子澄請爲諸人說太極圖
義先生之曾孫正卿彥卿元孫濤爲設席於光風
霽月之亭

北渡石塘橋西訪濂溪宅喬木無遺株虛堂唯四壁竦瞻
濂溪志

卷二 紀述

三

德容粹跪薦寒流碧幸矣有斯人渾淪再開闢
平生勞仰止今日登此堂願以圖象意質之巾几傍先生
寂無言賤子涕泗滂神聽儻不遺惠我思無疆

齋居感興詩

朱子

昆侖大無外磅礴下深廣陰陽無停機寒暑互來往皇羲
古神聖妙契一俯仰不待窺馬圖人文已宣朗渾然一理
貫昭晰非象罔珍重無極翁爲我重指掌

愛蓮詩

朱子

聞道移根玉井傍開花十丈是尋常月明露冷無人見獨

爲先生引與長

謁濂溪先生祠堂

王 漑

有宋淳熙歲承火羊月臨水鼠陽生後之三日郡
太守王漑同貳車趙希勉周梓欵謁濂溪先生祠
堂陪禮者幕官呂蟻唐紹彭朱光祖邑令尹黃灝
廣文應振郡庠諸生六十有二人行禮訖事王漑
賦詩二章以紀其事云

鄒魯宮牆世莫踰先生深造類平居功名歲晚雲歸岫德
業川增水到渠潔靜精微窮太極明通公溥見遺書要知
濂溪志

卷二 紀述

三

今古存清致一派濂溪玉不如
發明正學久無聞千載寥寥獨見君喜有人能宏此道定
知天未喪斯文永陽遺俗堪垂則溢浦流風又策勳我率
諸生拜祠下要令今古播清芬

留題九江濂溪書堂

度 正

維暮之春萬象都望花尋柳過溪居一源流水元清潔幾
片浮雲自卷舒獨對高山吟景行細看芳草訂遺書可憐
魚鳥渾無意相向欣欣總自如

再題

千載斯文儻可求暮春春服共行遊向人魚鳥都和樂滿
眼溪山只恁幽

嘉泰二年三月二十有四日正與趙琥伯玉冉木震甫
來謁先生之祠索米作粥采溪毛具杯羹從容移日伯
玉仍載郡醞與俱蜀人度正書

濂溪識行 嘉泰辛酉十
一月十五日

魏嗣孫 睢陽

分得廬山水一溪濂名萬古合昭垂光風霽月依然在肯
與人間較盛衰

永嘉薛師董同兄筮從友劉仁愿同來 丙寅
孟春

濂溪志 卷二 紀述

五

縛屋匡廬老不歸晨雲夜月手能揮兩山夾植春風布一
水涓回鼓瑟希翠柏偶成庭下蔭游禽何有夕陽暉洗空
天地銷餘滴獨怪門前多魯衣

題祠堂 嘉定改元
四月八日 王子修 江陵

先生粹德妙難名霽月光風狀未成獨有溪流環舊隱道
源一派至今清

題祠堂 周 剛 錢塘

兩楹夢奠幾千年較死荀楊不得傳大學中庸幾墜地光
風霽月忽開天百王道統新吾宋一代儒宗首此賢身後

斯文猶未喪韋編有易付伊川

題濂溪祠

鮑昭

昭家世括蒼誦先生之文觀先生之像舊矣獨欲
拜謁祠下而未能開禧丙寅試吏治邑滿秩而歸
道由九江望祠宇咫尺輒持香一瓣躬造先生之
堂而致敬焉若夫心之所傳誠有出於意言之表
者先生必有以鑒之端拜之餘謹書古詩以寫崇
慕之意云嘉定己巳九月二十日承學鮑昭書

盤古得希夷妙用彌宇宙微言莫能祕末派自穿濶世方
濂溪志

卷二 紀述

三

尊兩耳出入快馳驟頰舌以騰說鳴蟬咽風脰豈無後來
英出力徒自救章分而句析傳習轉訛謬先生道德尊一
洗當世陋使人意已釋醯雞發其覆古聖不傳處卓然獨
神授百世不磨滅正聲日諧奏低頭媿微官西望祠已舊
平生夢不到肅然斂襟袖昔傳簡冊餘精微未容究登堂
覩遺像至理得心扣豈不思古人淺末敢偏就敬持一瓣
香百拜更三嗅

濂溪祠堂銘

嘉定四年

臧辛伯 郡丞

太極混成萬象包括通書簡明言行有法貫天地人獨見

昭徽成已成物大巧若拙學窮本源文字抑末吏隱州縣
一意全活瘴烟可入民寃難達天生模範伊洛講切胡不
假年禮樂諸葛嗚乎濂溪道無生滅參前倚衡光風霽月

題濂溪

嘉定辛未十月二十七日

薛

袞

秘書

自秦已降非無術由孟而來得此儒開物於寅誰返拙先
天有極僅傳圖故廬仍在光風裏茂草能看生意無末學
咏歌溪上去可應侯子獨樞趨

敬書濂溪

幸元龍

萬頃寒波浸碧天蕭蕭茅屋冷爐烟可憐薄俗趨時好不

濂溪志

卷二 紀述

三

爲先生整舊椽

題濂溪

天臺林煥文叔

我來濂溪拜夫子馬蹄深入一尺雪長嗟豈惟溪泉濂化
得草木皆清潔夫子德行萬古師坡云廉退乃一隅有室
旣樂賦以拙有溪何減名之愚水性本清撓則濁人心本
善失則惡安得此泉變作天下雨飲者猶如夢之覺

敬題濂溪先生書堂

於越柴中行 江東運判

有生同宇宙所欠好江山因自春陵至畱居廬阜間斯文
傳隆緒太極妙循環希聖誠何事懷哉伊與顏

出城三四里矯首愜遐觀頓覺市聲絕從忻天宇寬康山
書几淨湓浦硯泓寒一誦愛蓮說塵埃百不干

敬拜濂溪先生祠下

嘉定七年九月十三日

文仲璉

蜀中

跡踐心親四十年口吟手舞亦欣然眼明當日清溪上身
到平生霽月邊天實有言誰啟祕道從無極獨開先持循
不許秋毫失期契堂中覲面傳

頌密涇堂分韻詩并序

魏了翁

鶴山

端平三年春三月戊午朔天子有詔俾臣了翁以同書樞
院奏事既上還山之請乃休沐日丁丑與賓佐謁濂溪先

濂溪志

卷二

紀述

三

生祠賓主凡二十有四謂是不可無紀也遂以明道先生
雲淡風輕之詩分韻并賦而詩有二言四言同一韻者則
二客賦之了翁得雲字

書生不知分奉詔行三軍赤手張空拳幸脫貔虎羣四望
蓮花峯濂溪漲清芬擬求一勺水浣我三斗塵翠斂明夕
霏晴雲盪朝氛重上夫子堂警教如有聞池蓮已溜濯庭
草長欣欣重惟夫子書千古拔昏聩善惡萌於幾陰陽互
而分一落俗儒喙譏齒牙齧流傳豈不廣世道滋放紛
書生屢乞骸歸耕故山雲願言與同志相期任斯文

濂溪六詠

潘之定

此心安樂莫非廉媿水成名亦偶然
湓浦春陵隨地在不應太史失其傳

先生雅愛水中蓮尤愛蓮花峰下泉
此水此蓮誰會得一應生意草芊芊

家住城南數畝宮杖藜來往此堂中
吟風弄月人何處極目閒雲數去鴻

當年太極揭爲圖萬有皆生於一無
動靜互根誰是主試於靜處下工夫

濂溪志

卷二 紀述

三

濯纓潭上小相羊手把通書四十章
除却誠通與誠復更無一事可商量
參也竟以魯得之拙堂存舊未爲非
光風霽月新題扁別作斯亭互發揮

過萍鄉謁濂溪祠二首

王守仁 陽明

木偶相沿恐未真清輝亦復凜衣襟
簿書曾屑乘田吏俎豆猶存畏壘民
碧水蒼山俱過化光風霽月自傳神
千年私淑心源後下拜春祠薦渚蘋

曾向圖書識面真半生常自媿儒襟
斯文久矣無先覺聖

世今應有遺民一自支離乖學術競將雕刻費精神瞻依
多少高山意水漫蓮池轉綠蘋

濂溪圖意

王守仁

一竅誰將渾沌開千年樣子道州來須知太極原無極總
是心為明鏡臺

讀濂溪考亭二先生年譜二首

陳獻章 白沙

千年幾見南康老嘆息人間兩譜開但使乾坤畱一綫聖
賢去後聖賢來

一語不遺無極老千年無倦考亭翁語道則同門路別教

濂溪志

卷二 紀述

三

君何處覓高蹤

畱題

書濂溪光風霽月亭

朱子

淳熙八年歲在辛丑夏四月六日辛亥後學朱熹劉清之
張揚卿王阮周頤林中趙希漢陳祖永許子春王翰余
隅陳士直張彥先黃幹敬再拜於濂溪先生祠下惟先生
承天畀系道統所以見端垂緒啟佑於我後之人者厥初
罔不在斯堂用感歎慕低回弗忍去熹乃復出所誦說先
生太極圖贊其義以曉眾咸曰休哉退先生之曾孫正卿

彥卿元孫濤設饌光風霽月亭祀真卿吳兼善僧志南與
嘉敬書以誌

留題書堂

李 尊

眉山李尊敬謁濂溪先生之祠與先生五世孫澹蒲城蔡
念成晤語久之同來者普慈鴻繼丹稜程燦聖之子鏞侍
嘉定癸酉孟夏朔

留題拙堂

安公直

尊賢重道興廢振墜以扶立世教興起人心此爲政之先
務也秦漢以來功利日勝義理不明祠所不當祠於其所
濂溪志

卷二 留題

四

當祠者忽焉不問惟忠定丞相守成都日創橫渠張先生
祠市田以贍其後人至今蜀士詠思不已今江州史君恪
守先訓鼎新先生祠宇爲周氏後人立學一用忠定公遺
規蜀人安公直祗拜祠下伏讀史君奠謁之辭蓋躬行先
生而有得者與俗吏庸夫視時之好尙而爲興廢者相干
萬也三歎之餘書於拙堂從游者嘉定釋師戒嘉定癸酉
季秋七日

敬書濂溪書堂

魏了翁

嘉定十五年秋七月庚申臨邛魏了翁及眉山蔡震龍李

從周合陽謝子欽資中侯季任楊約太華李材眉山張擊
程立之臨邛高斯謀劍陽張資深會於濂溪書堂以易名
得請告於元公而江山風月儀型如在同遊之士各適其
分充如也了翁之子近思約之子暉侍

留題溪上書堂

家大酉

眉山家大酉補外西歸敬拜元公周先生於濂溪之上游
泳久之想像程純公吟風弄月時氣象尙庶幾萬一焉寶
慶三禩仲秋上浣

敬書祠下

呂昌裔

濂溪志

卷二

留題

望

潼州呂昌裔東平劉震孫率塗仁范大淳袁塤蘓廷珪祇
謁先生祠下濯纓溪流仰高廬阜油然有發泛舟而還昌
裔之子槩彙猶子寅震孫之子儒珍侍端平改元孟秋吉
日

濂溪志卷三

年譜

原敘

宋度

正周卿

少時得明道伊川之書讀之始知推尊先生而先生仕吾鄉時已以文學行於當世遂搜求其當世遺文石刻不可得又欲於架閣庫討其書判行事而郡當兩江之會屢遭大水無復存者始仕遂寧聞其鄉前輩故朝議大夫知漢州傅者曾從先生游先生嘗以姤說及同人說寄之遂訪求之僅得其目錄及長慶集載先生遺事頗詳久之又得

濂溪志

卷三

年譜

一

其手書手謁二帖其後過秭歸得秭歸集之成都得李才元書臺集至嘉定得呂和叔淨德集來懷安又得蒲傳正清風集皆載先生遺事至於其他私記小說及先生當時事者皆纂而錄之一日與今夔路運司帳幹楊齊賢相會成都時楊芳草先生年譜且見屬以補其闕刊其誤楊先生之鄉士也操行甚高記覽亦極詳博意其所考訂必已詳審退而閱之其載先生來吾鄉歲月頗有差舛甚者以周恭叔事爲先生事又以程師孟送行詩爲趙清獻詩於是屢欲執筆未暇也及來重慶官事稍閒遂以平日之所

聞者而爲此編然其所載於先生入蜀本末爲最詳其他亦不能保其無遺誤正往時嘗有志遍遊先生所遊之處以訪其遺言遺行今自以衰晚莫能遂其初志有志之士倘能垂意搜羅補而修之使無遺缺實區區之志也嗚乎天之未喪斯文也故其絕千有餘年而復續續之未久復又晦昧至近世而復燦然大明小人之用事者自以爲不利於已盡力以抑絕之賴天子聖明大明黜陟而斯文復興如日月之麗天人皆仰之有願學之志假令百世之下或有沮毀之者其何傷於日月乎其何傷於日月乎嘉定

濂溪志

卷三

年譜

二

十四年八月二十九日

宋眞宗天禧元年丁巳

五月五日先生生於道州營道縣之營樂里樓田保初名惇實字茂叔避英宗藩邸舊諱改惇頤周氏自漢封周後於汝南世爲著望先生遠祖崇昌唐永泰中爲廉白二州太守解組居道之寧遠縣大陽村裔孫虞賓之中子從遠始徙營道生子智強智強生子五長識天聖五年王堯臣榜二甲及第汀州上杭令次鐸次正皆不仕次輔成大中祥符八年蔡齊榜六舉以上特奏各賜進士賀州桂嶺令

次輅舉進士特奏名廸功郎輔成則先生父也以先生貴
贈諫議大夫先娶唐氏生礪礪生仲章唐卒繼娶左侍禁
成都鄭燦女是生先生宅邊有水縈紆如青羅帶曰濂溪
先生濯纓而樂之晚寓廬阜構書堂前臨溪水亦名以濂
溪學者宗之稱爲濂溪先生云

二年戊午

三年己未

四年庚申

五年辛酉

濂溪志

卷三年譜

三

先生年五歲辨五星墩於宅之左右前後分配五行

乾興元年壬戌

仁宗天聖元年癸亥

二年甲子

三年乙丑

四年丙寅

五年丁卯

六年戊辰

七年己巳

先生年十三志趣高遠里有濂溪溪上有橋橋有小亭先生嘗釣游其上吟弄風月

八年庚午

先生年十四濂溪之西有巖東西兩門中虛頂圓如月出入仰視若上下弦各月巖先生築室讀書其間相傳觀此而悟太極

九年辛未

先生年十五父諫議公卒卜葬營樂里祖居之右舅氏龍圖閣學士鄭向令盧惇文挈其家遂從母仙居縣太君入

濂溪志

卷三

年譜

四

京師龍圖公知先生遠器愛之如子公以惇名子因以惇名先生

明道元年壬申

先生年十六 明道先生當生於此年

二年癸酉

先生年十七 伊川先生當生於此年

王伯厚困學紀聞曰周元公生於道州程子生於明道元二間天所以續斯道之緒也

景祐元年甲戌

先生年十八服除

二年乙亥

三年丙子

先生年二十始冠行誼早聞於時龍圖公以敘例應蔭子乃奏補先生試將作監主簿娶陸氏職方郎中參之女

四年丁丑

先生年二十一七月十六日母仙居縣太君卒先是舅氏龍圖公卒葬潤州丹徒縣先生遂扶櫬厝於龍圖公墓側是歲居潤讀書鶴林寺時范文正公胡文恭公諸名士與

濂溪志

卷三

年譜

五

之游獨王荆公少年不可一世懷刺謁先生足三及門而不得見荆公恚曰吾獨不可求之六經乎按舅氏鄭公

衡州人祖籍開封陳留望族由進士甲科大理評事遷兩浙轉運使疏潤州蒜山漕河以龍圖公直學士知杭州卒葬於潤其故宅在衡州城南衡人以先生幼依舅氏居因卽宅舊址建濂溪祠

寶元元年戊寅

先生年二十二

二年己卯

先生年二十三

康定元年庚辰

先生年二十四服除從吏部調洪州分寧縣主簿

慶厯元年辛巳

先生年二十五始涖分寧時有獄久不決先生一訊立辨

邑人驚詫曰老吏不如也由是士大夫交口稱之旋被臺

檄攝袁州盧溪鎮市征局袁之進士來講學於公齋者甚

衆

二年壬午

濂溪志

卷三年譜

六

三年癸未是歲作論語序劉黻濠川集載先生論語序

四年甲申

先生年二十八部使者以為才奏調南安軍司理參軍

五年乙酉

先生年二十九南安獄有囚法不當死轉運使王逵素苛

欲峻治之衆莫敢抗先生獨力爭不聽乃置手版取告身

委之而去曰如此倘可仕乎殺人以媚人吾不為也逵感

悟貸囚死而賢先生且薦於朝

六年丙戌

先生年三十大理寺丞知虔州興國縣程公珦假倅南安
視先生氣貌非常人與語果知道者因與爲友令二子師
事之及爲郎每遷授當舉代輒以先生名聞二子卽明道
伊川也時明道年十五伊川年十四故明道傳云自十五
六時與弟頤聞周惇頤論學遂厭科舉之業慨然有求道
之志其後先生作太極圖獨手授之他莫得而聞焉是年
冬以轉運使王逵薦移郴州郴縣令至縣首修學校以教
人有修學記

七年丁亥作書堂於郴之魚鱗山

濂溪志

卷三年譜

七

八年戊子

先生年三十二知郴州事職方員外郎李初平知其賢不
以屬吏遇之嘗聞先生論學嘆曰吾欲讀書何如先生曰
公老無及矣某請得爲公言之初平遂日聽先生論道踰
年果有得

皇祐元年己丑

先生年三十三李初平卒子幼先生曰吾事也爲護其喪
歸葬之并往來經紀其家始終不懈

二年庚寅

先生年三十四改郴州桂陽令

三年辛卯

四年壬辰

先生年三十六時於桂陽縣廳置木匾一高四尺濶視其高加尺焉以貯官文書上屐皇祐四年置桂陽縣令周十字而書押於下

五年癸巳

先生年三十七時當道諸公皆以先生治郴桂有績交薦之

濂溪志

卷三年譜

八

至和元年甲午

先生年三十八用薦者言改大理寺丞知洪州南昌縣南昌人見先生來喜曰是初仕分寧卽能辨疑獄者吾屬得所訴矣於是更相告戒勿違教命不惟以得罪爲憂又以汚善政爲恥一日先生得暴疾幾殆更晝夜始甦友人潘興嗣視其家服御之物止一敝篋錢不滿百

二年乙未

先生年三十九

嘉祐元年丙申

先生年四十遷太子中舍簽書署合州判官沂峽至秭歸
聞龍昌洞之勝與廬陵蔣槩洪崖彭德純游焉至十一月
抵合州視事

二年丁酉

先生年四十一正月十五日作彭推官宿崇勝院詩序九
月回謁鄉士牒稱爲解元才郎今不詳爲誰氏子蓋當時
鄉貢之士聞先生學問多來求見耳遂寧傅耆伯成少有
俊才年十四薦於鄉先生妻黨陸丞自小溪解官東歸過
合陽爲先生言傅之爲人先生致書於傅傅答書云執事

濂溪志

卷三年譜

九

以濟衆爲懷神所勞賚故得高士與施至術而心朋遠寓
名方賤子聞之弗勝喜蹈後書又云遠遠高賢鄙吝復萌
曩接高論固多餘意行思坐誦默有所得不遂溺於時好
失於古道也時傳已來合陽見先生矣後書又謂蒙示姤
說意遠而不迂詞簡而有法雜之元結集中不知孰爲元
孰爲周也盧次山謂其詞深意密如軻之文是歲轉殿中
丞賜五品服仍判合州長子壽生

二年戊戌

先生年四十二二月四日遣人至遂寧探合州新守致書

傳者并告買皂平紋紗一匹袴蒲綾袴二个元配縉雲縣
君卒時趙清獻惑於譖口待先生色甚威先生處之超然
按此年所探新合州使君卽董宗式也

四年己亥

先生年四十三左丞蒲宗孟閬中太常丞師道之子也從
蜀江道於合初見先生相與欵洽連三日夜退而嘆曰世
有斯人歟乃以其妹歸之爲先生繼室

五年庚子

先生年四十四被臺檄按赤水縣簿書與其縣令費琦遊

濂溪志

卷三

年譜

十

龍多山有詩刻石六月十九日先生解合州事還京師呂
給事陶爲銅梁令有送先生序並詩先生在合士之從學
者甚衆尤稱張宗範有文有行故名其所居之亭曰養心
且語以聖學之要其汲汲於傳道授業也如此在郡四年
人心悅服事不經先生手吏不敢決苟下之人亦不從旣
去相與祀之南禪先生東歸時王荆公安石年四十提點
江東刑獄與先生相遇語連日夜安石退而精思至忘寢

食

六年辛丑

先生年四十五傳者登第相遇京師先生專謁賀之先生遷國子監博士通判虔州道出江州愛廬山之勝有卜居之志因築書堂於其麓堂前有溪發源蓮花峰下流合溢浦先生濯纓而樂之遂寓名以濂與其友潘興嗣訂異時溪上詠歌之約既至虔州知虔州者趙清獻也至是熟視先生所爲執其手歎曰幾失君矣今日乃知周茂叔也薦之於朝論之於士大夫終其身

七年壬寅

先生年四十六同趙清獻遊馬祖山次子燾生

濂溪志

卷三年譜

十一

八年癸卯

先生年四十七正月七日行縣至雩都邀餘杭錢建侯拓西明沈幾聖希顏遊羅厓題名并有詩刻石沈公者邑令也因建濂溪閣於善山頂有高山仰止亭四月壬申朔英宗登極以恩遷虞部員外郎仍判虔州追贈父爵郎中五月作愛蓮說沈希顏書王搏篆額錢拓上石卽十五日事也恩蔭長子壽太廟齋郎

英宗治平元年甲辰

是歲先生年四十八冬虔州民間失火焚千餘家朝廷行

遣差替時先生季黜外縣不自辨明韓魏公會魯公皆知之遂對移永州通判吳人程師孟時知洪州以詩送行

二年乙巳

先生年四十九自虔赴永道經江州三月十四日同宋復古遊廬山大林寺至山巔有詩紀焉江南西路轉運使成都李大臨才元以詩謁先生於濂溪書堂李尋丁內艱先生以疏慰之四月某日也十一月朝廷合饗天地於圓丘先生遷比部員外郎趙清獻尹成都聞先生移永賦詩寄之十二月過武昌嘗以詩一軸遞中寄蒲左丞除夕方達

濂溪志

卷三

年譜

三

次年正月左丞成十詩以答焉

三年丙午

先生年五十至永州其先寄諸叔及諸兄書云來春歸鄉卽拜侍并以詩寄鄉關故舊四月六日與尙書都官郎中知軍州事陳藻君章郡從事項隨持正零陵令梁宏巨卿回遊澹山巖十二月十二日又與荆湖南路提點刑獄公事尙書職方郎中程溶治之尙書虞部郎中知軍州事鞠拯道濟同遊朝陽巖均題名刻石

四年丁未

先生年五十一正月九日與荆湖南路轉運判官尙書屯田郎中沈紳公儀知軍州事鞠拯同遊華嚴巖題名刻石先生素貧初入京師鬻其產以行祇存田十餘畝畀周興耕之以灑掃父墓至是自永州移文營道請使周興掌墓田事三月一日攜二子歸春陵鄉里展墓三月六日同鄉人蔣璫區有鄰歐陽麗理椽陳賡遊含暉洞題名刻石八日營道令給吏文付周興俛掌墓田十三日回永州過澹山巖將家人輩偕遊姪立男壽燾姪孫蕃侍十四日鞠拯項隨梁宏暨前錄事參軍劉璞司法參軍李茂宗零陵縣

濂溪志

卷三

年譜

三

尉周均來澹山又與先生同遊題名刻石五月七日往權邵守同家屬去永州百里過洪陵寺遊九龍巖題名刻石先生在永二年嘗作拙賦期於上安下順風清弊絕旣去永人思之於通判廳事後作堂祠之題曰康功郡守胡寅有詩記之六月十四日寄兄子仲章手札云遞中得知先公加晉官階贈諫議大夫家門幸事汝可具酒果香茶詣墓前告聞先公蓋其時神宗登極覃恩先生遷朝奉郎尙書駕部員外郎故加贈也九月先生自邵州發遞以改定同人說寄傳者先是邵之學在牙城中左獄右庾卑陋弗

稱先生伏謁祠下起而悚然乃度地遷於城之東南逾月而成是歲恩蔭次子燾太廟齋郎
神宗熙寧元年戊申

是歲先生年五十二正月三日祭新遷先聖廟作釋菜文并告顏子文又屬荆湖北路轉運使孔延之作邵州遷學記時神宗已改元熙寧正月初以改元詔未到故記文仍稱治平五年傅者知嘉州平羌縣遞中覆書云蒙寄貺同人說徐展熟讀較以舊本改易數字皆人意所不到處宜乎使人宗師仰慕之不暇也邵陽之南有沃泉以先生得濂溪志

卷三年譜

四

名濂泉時先生有知郴州之命會趙清獻在諫院呂正獻公著在侍從交薦先生遂擢授廣南東路轉運判官先生謝公著啟云在薄宦有四方之遊於高賢無一日之雅蓋公著聞先生名而力薦也其薦牘云臣伏見尙書駕部員外郎通判永州軍事周惇頤操行清修才術通敏凡所臨蒞皆有治聲臣今保舉堪充刑獄錢穀繁難任使如蒙朝廷擢用後犯正人已賊臣甘當同罪其人與臣不是親戚謹具狀聞伏候勅旨故擢是職五月五日在永州適零陵進士廉州判官蔣忱誤九龍巖記零陵主簿張處厚書尉

韓蒙亨篆額先生上石署銜卽稱新廣南東路轉運判官
二年己酉

先生年五十三至廣南端州時正月題名陽春巖三月題
名七星巖均刻石

三年庚戌

先生年五十四轉虞部郎中擢提點廣南東路刑獄

四年辛亥

先生年五十五正月九日領提點刑獄事行部至潮州有
題大顛堂詩至惠州有題羅浮山詩至陽山題名巾山刻

濂溪志

卷三

年譜

七

石至端州知端州者杜諮采端溪硯石專利百姓咨怨號
曰杜萬石先生惡之爲請勅定禁令凡仕端者取硯石毋
得過二枚貪風頓息先生盡心職事務在矜恕以洗冤澤
物爲已任雖荒厓絕島瘴癘之鄉皆必緩視徐按不憚勞
瘁故得罪者俱無憾俄遘疾又驚聞潤州水嚙鄭太君墓
遂乞知南康軍八月朔移南康十二月十六日改葬鄭太
君於江州德化縣廬阜清泉社三起山葬畢曰強疾而來
者爲葬母耳今猶欲以病污磨紱耶上南康印分司南京
而歸

五年壬子
先生年五十六自嘉祐六年築書堂於廬山之麓至是始
定居焉先生歷官以來所得俸祿悉以周宗族奉賓友故
貧不能歸故里榜其書堂曰濂溪志鄉闕在目中而至妻
子檀粥不給曠然不以爲意

六年癸丑
先生年五十七時趙清獻以學士再鎮蜀聞先生致仕拜
章乞畱朝命及門而先生以疾卒矣時六月七日也二子
壽燾皆太廟齋郎以十一月二十一日葬先生於仙居縣

濂溪志

卷三

年譜

六

太君墓側遵遺命也潘興嗣爲墓誌銘蒲宗孟爲墓碣
長子壽字季老一字元翁第百一生於合州縉雲縣君陸
氏出也元豐五年黃裳榜登第初任吉州司戶改秀州知
錄終司封郎中嘗與黃山谷同僚相友善故山谷稱其純
粹動金石清節不朽雖與日月爭光可也言語文章發明
妙慧生子六從官居吳中
次子燾字通老一字次元第百二生於虔州德清縣君蒲
氏出也初授司法元祐三年李長寧榜登第爲貴池令遷
兩浙轉運使知成都府終朝議大夫徽猷閣待制累贈先

生宣奉大夫蘇東坡知杭州時與之同官親如兄弟倡酬詩甚多著有愛蓮堂詩文集人稱茂叔有子良不誣也生子三居道州

遺事

伊川先生作父太中公家傳曰公在處時嘗假倅南安軍獄掾周惇實少年不爲守所知公視其氣貌非常人與語果爲學知道者因與爲友及爲郎官每遷授輒一薦之伊川先生作明道先生行狀曰先生自十五六時聞汝南周茂叔論道遂厭科舉之業慨然有求道之志

濂溪志

卷三

遺事

七

明道先生嘗曰昔受學於周茂叔令尋顏子仲尼樂處所樂何事

又曰吾十六七時好田獵旣而自謂已無此好周茂叔曰何言之易也但此心潛隱未發一日萌動復如初矣後十二年暮歸在田間見獵者不覺有喜心乃知果未也

又曰周茂叔牕前草不除去問之云與自家意思一般

又曰觀天地生物氣象

周茂叔看

又曰荀子謂養心莫善於誠伯淳曰心旣誠矣安用養耶茂叔曰荀子元不識誠

又曰周茂叔謂一部法華經只消一箇良字可了
又曰李初平見茂叔云某欲讀書如何茂叔云公老矣無
及也待某只說與公初平遂聽說話二年乃覺悟
又曰王君貺嘗見茂叔爲與茂叔世契便受拜及坐間大
風起說大畜卦君貺乃起曰適來不知受却公拜今却當
請納拜茂叔走避君貺此一事却過人謝用休問當受拜
不當受拜曰分已定不受乃是

哲宗徽宗實錄云伊川年十四五與明道同受學於春陵
周茂叔先生

濂溪志

卷三 遺事

六

邵伯溫作易學辨惑記康節先生事曰伊川同朱光庭公
揆訪先君先君畱之飲酒因以論道伊川指面前食卓曰
此卓安在地上不知天地安在甚處先君爲極論天地萬
物之理以及六合之外伊川嘆曰平生惟見周茂叔論至
此 今按康節之書有曰天何依曰依乎地曰地何附曰
附乎天曰天地何所依附曰自相依附天依形地附氣其
形也有涯其氣也無涯

慶歷皇祐間周子以事往粵之潯州經過永明邑宿笛樓
村族人周堯卿家講學至潯適二程子隨父珣任龔州復

同來見請益既別程子亦還冀讀書於桂平邑之暢巖巖
曰自再見周茂叔後吟風弄月以歸有吾與點也之意
周子嘗過新寧邑至蓮潭見水深千尺因鑄萬古隄防四
字於石崖

俟師聖初從伊川學未悟乃策杖訪濂溪濂溪曰吾老矣
說不可不詳畱之對榻夜談越三日自謂所得如見天之
廣大乃之洛伊川亦訝其不凡曰非從濂溪來耶

邢恕和叔云茂叔聞道甚早王荆公爲江東提點刑獄
時已號爲通儒茂叔遇之與語連日夜荆公退而精思至

濂溪志

卷三 遺事

九

志寢食

河間劉立之敘述明道先生事曰先生從汝南周惇頤問
道窮性命之理率性會道體道成德出入孔孟從容不勉
呂本中作童蒙訓曰正獻公在侍從聞茂叔名力薦之自
常調除轉運判官茂叔以啟謝正獻公云在薄宦有四方
之遊於高賢無一日之雅

謝無逸誌潘延之墓云荆公子固在江南二公議論或有
疑而未決必曰姑置是待他日茂叔來訂之

孔延之邵州學記曰周君好學博通言行政事皆本之六

經考之孟子

呂陶詩序曰春陵周茂叔志清而材醇行敏而學博讀易春秋探其原其文簡潔有制其政撫而不柔平居若泛愛及其判忠諫拯憂患雖賁育之力亦莫亢其勇

貴耳集云濂溪一世道統之宗用大臣薦爲崇政殿說書太史黃公庭堅曰春陵周茂叔人品甚高胸中灑落如光風霽月

陳止齋傳良曰本朝名節自范文正公議論文章自歐陽子道學自周子三君子皆萃於東南殆有天意

濂溪志

卷三

遺事

三

營道何弃仲農父自作營道齋詩序曰營道縣出廓三十里而近有村落曰濂溪周氏家焉族衆而業儒至先生遠宦弛肩廬阜力不能返故居乃結屋臨流寓濂溪之名志鄉關在目中也蘇黃二公與之同時而所謂賦詩皆失本意文字傳誤吁可歎已濂溪之後至今蕃衍云

延平李愿中先生答朱元晦書云承惠示濂溪遺文極荷愛屋通書向亦曾見一二但不曾見全本今乃得一觀嘗愛黃魯直作濂溪詩序云春陵周茂叔人品甚高胸中灑落如光風霽月此句形容有道者氣象絕佳胸中灑落卽

作爲盡灑落矣學者至此雖甚遠然亦不可不嘗存此
段在胸中庶幾遇事廓然於道理方少進願更存養如此
朱子作中庸集解序云自濂溪周夫子始得其所傳之要
以著於篇河南二程夫子又得其遺旨而發揮之然後其
學布於天下

又曰濂溪在當時人見其政事精絕則以爲宦業過人見
其有山林之志則以爲襟袖灑落有仙風道氣無有知其
學者惟程太中獨知之這老子所見如此宜其生兩程子
也

濂溪志

卷三 遺事

三

又曰濂溪清和孔經甫祭之其文曰公年壯盛玉色金聲
從容和毅一府皆傾墓碑亦謂其精密嚴恕氣象可想矣
又曰山谷謂周子灑落者只是形容一箇不疑所行清明
高遠之意若有一毫私吝心何處更有此等氣象耶只如
此有道者胸懷表裏亦自可見

又曰濂溪圖書雖簡古淵深未易究測然其大指不過語
諸學者講學致思以窮天地萬物之理而勝其私以復焉
其施則善始於家而達之天下其具則復古禮變今樂政
以養民而刑以肅之也是乃所謂伊尹之志顏子之學而

程氏傳之以覺斯人者
又曰河圖出而入卦畫洛書呈而九疇啟孔子於斯文興
喪未嘗不推之於天若濂溪先生者其天之所畀而得乎
斯道之傳者與
又曰先生奮乎百世之下深探聖賢之奧默觀造化之原
立象著書闡發幽祕辭義雖約而天人性命之微修己治
入之要莫不畢舉二程先生既親見之而得其傳於是其
學遂行於世

又曰自周衰孟軻氏沒而此道之傳不屬至宋受命五星
濂溪志

卷三

遺事

三

集奎開文明之運而周子出焉不由師傳默契道體建圖
屬書根極領要當時見而知之有程氏者遂擴大而推明
之而周公孔子孟氏之傳煥然復明於時非天所畀其孰
能與於此

南軒張氏曰濂溪爲道學宗主乃在道州可謂此邦盛事
其學問如此而舉世不知爲南安獄掾日惟程太中始知
之可見無分毫矜夸此方是朴實頭下工夫底人
勉齋黃氏曰周子以誠爲本以欲爲戒此周子繼孔孟不
傳之緒者也至二程子則曰涵養須用敬進學則在致知

又曰非明則動無所之非動則明無所用而爲四箴以
克己之義焉此二程得統於周子者也

北山陳氏孔碩曰濂溪周子出始發明孔子易道之蘊提
其要以授哲人既又手爲圖筆爲書然後孔氏之傳復續
凡今之學知有孔氏大易之蘊大學中庸七篇之指歸者
皆自先生發之先生之功在後學深長且遠者以此也

西山真氏曰周子生乎絕學之後乃獨探本源闡發幽秘
二程子見而知之朱子又聞而知之述作相承本末俱備
自是人知性不外乎仁義禮智而荀楊之言惡與混非性

濂溪志

卷三

遺事

三

也道不離乎日用事物而老莊之虛無非道也教必本乎
君臣父子夫婦昆弟而佛氏之剗滅彝倫非教也闢聖學
之戶庭祛世人之矇瞶千載相傳之正統其不在茲乎
鶴山魏氏曰周子奮自南服超然獨得以上承孔孟垂絕
之緒河南二程子神交心契相與疏濬闡明而聖道復著
曰誠曰仁曰太極曰性命曰陰陽曰鬼神曰義利綱條彪
列分限曉然學者始有所準於是知身之貴果可以位天
地育萬物果可以爲堯舜爲周公仲尼而其求端用力又
不出乎暗室屋漏之隱躬行日用之近固非若異端之虛

叔百氏之支離也

嘉定三年仲貫甫爲著作佐郎始請追爵周子二程張子列於從祀當時李心傳謂四先生繼絕學於千載之後正人心明天理自游夏諸賢有不能及者其視馬鄭諸儒之功孰多雖以配享可也而貫文以五

新安胡氏曰神宗之朝濂溪周子倡明道學有太極通書傳於世而授諸其徒河南程氏兩夫子道學之盛益大以肆上有以續夫孔孟千載不傳之妙下有以聞來學於億萬斯年之久實光前而耀後也

濂溪志

卷三

遺事

五

王申子作大易緝說前論數學於陳邵諸家概斥其有誤所取者自河圖洛書外惟伏羲文王周公孔子周子五人而已

劉氏因得周邵程朱之書曰邵至大也周至精也程至正也朱子極其大盡其精而貫之以正也

陽明王氏曰宋周程三子追尋孔顏之樂而有無極太極定之以中正仁義而主靜之說動亦定靜亦定無內外無將迎之論庶幾精一之旨矣

虛齋蔡氏曰濂溪固宋之仲尼而二程則宋之顏閔也先

生畫圖著書開萬古之羣蒙則繼孟氏之傳者微斯人其誰與歸惜夫神祖偏信金陵而先生之學不得大用於世則當時君相棄賢之咎無所逃矣

濂溪志卷三終

濂溪志

卷三 遺事

五



限諸訊探味樂贊文昏無浪遊突
請地說歸夫賦賦論益金對面於上文學不野大風飲世
五言之律詩賦高古文學樂與學益與之哲書地限入其

